



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis vigesima-nona  
mensis Februarii, anno Domini M. DCC. XLVIII.*

M. JACOBO-FRANCISCO LE CHAT DE LA  
SOURDIÈRE, Doctore Medico, Præside.

*An Chirurgiæ Herniarum curationi, Musculorum Sterno-Mastoidcorum tensio noceat?*

I.



OLUBILEM ac variè circumgyratam intestinorum corporis humani seriem, toto corpore adulto sexies, juniore septies, infantuli octies longiorem, flexuosis mesenterii ac mesocoli marginibus imperturbato ordine intimius innecti; eamdemque peritonæi imperforato undiquè culeo, musculorum abdominis hianti ad umbilicum & inguina peristromate, pinguedinosi tomenti spongiosâ sive cavernosâ congerie, totius deniquè corporis communi integumento cute circumvallari, fatis superque notum. Sartâ testâ horumce limitum compage totus intestinorum tractus perpetuo quodam reptatû lumbricorum haud

A

abfimili motu, non quidem progrefſivo, ſed undarum minimarum inſtar oſcillante, functiones ſuas obit ſaluberrimè. Violatis autem in aliquâ parte limitibus hiſce, parti violatæ proximior inteſtinorum portio illapſa, vel paulatim unâ cum peritoneo ſacculi inſtar protenſo, vel conſeſtim eodem vulnerato, aut minimâ diſtractione rupto, tumorem effingit Herniæ generali nomine inſignitum, ac pro diverſitate tum violatæ partis, tum prolapſæ inteſtinorum portionis, & ipſam quandoquæ comitantis omenti, diverſis paſſim é Grayorum idiomate deſumptis appellationibus nuncupatum.

#### I I.

**H**UJUSCEMODI, quæ titulo verarum, à ſpuris vulgò diſtis humoralibus apprime diſtinguuntur, Herniarum, à quibuſcumque demùm cauſis, ſivè internis, uti partium debilitate, conformatione pravâ, laxitate viſcerum, indurata ſæcum alvinarum congerie, &c. ſivè externis, uti vires partium excedentibus impetu, niſu, pulſu, portatu, luſtâ, ſaltu, curſu, equitatu, cantu, ſlatu, riſu, ploratu, planctu, vomitu, ſingultu, ſcreatu, partu, ſubitanèa divaricatione crurum, brachiorum ſuprà caput porrectione violentâ, &c. prodierint; alias facillimè, diſciliùs alias, aliasque nullatenùs curationi cedere quotidiana teſtatur experientia. Teſtatur eadem plurimas optatò ſanatas curatione Chirurgicâ, nullas omninò Pharmaceuticâ. Nec eſt quod mireris. Reducere partes eliminatas, reduciſ limina præcludere, curationis Chirurgicæ munus & opus. Primum abſolvit Taxis, vel ſimplex, vel Diæreſi juncta. Alterum faſciis, ſubligaculis unicuique ſpecialiter accommodatis obtinetur; ſufficienter quidem Taxi peractâ ſimplici, Diareticâ autem ſolidatâ perfectiùs. Utriuſque Encheiſiſis adjumenta varia, varia impedimenta. Ad muſculos abdominis quàm maximè attendendum; Obſtat horum tenſio, remiſſio ſivè laxitas favet. Tenſio reductionem vel tardat, vel impedit inteſtina videlicet premendo, cavitatem abdominis coarctando, hiatumque aponevroticum ſtringendo. Laxatione verò, relabentibus per Taxim, ſivè ſimplicem, ſivè diæreſi comitatam inteſtinis, limina pandunt, illapſiſque convenienter cedunt. Reſupinato corpore, ſuſulto utroque trunci extremo, regione mediâ ſivè lumbari demiffâ, utroque femore, præſertim vicino, laxitatem eorum acquiri poſſe, vitari tenſionem ſæpiùs exploratum. Nihilominùs adhibita quantocumque ſtudio cautione iſtâ, repentinas per intervalla tenſiones eorundem, curationem Chirurgicam intertuſſe, non rarò obſervatum. De tenſionibus ejuſmodi anxius, cauſamque ignoratam ſciſcitans ſi quem audiret non tam abdominis muſculos quàm capit: inſervientes Sterno-Maſtoideos accuſantem, vel forſan malè contentus ſtomacharetur, vel ſubridendo flocci faceret eſtatum, Aſt anatomen conſulat, audiat expertos, in ſemet-ipſo phænomena exploret. Proſectò aliter ſentiet hæc edoctus, ſentietque muſculos Sterno-Maſtoideos aqûe ac muſculos abdominis poſſe, in Chirurgicâ Herniarum curâ, vel adjumento eſſe, vel impedimento.

#### I I I.

**A**URIUM poſteriora inter & ima juguli, obliquo ac ſerè diagonali utrinque ſitu muſculi duo, Sterno-Maſtoidei, vel Sterno-cleido Maſtoidei dicti ita locantur, ut ambo ſimul directè ſpectati litteram Romanam V Maſſiculam quodammodò referant, ſuperne videlicet recedentes à medio, ad medium vergentes infernè. Latiffimo tendine parieti convexo Maſtoideæ apophyſeos omnimodè ac firmiter altera utriuſque extremitas inhæret; altera verò biſida ſupremo ſierpi angulo partim, partim claviculæ viciniore, Torofa admodum intermedia utriuſque portio venter paſſim appellata. Flexores capitis vulgò nuncupantur, titulo nimis ſtriſto: ut potè præterea, non ſolummodò

capiti alternis vicibus utrolibet circumagendo; sed etiam collo motibus istis accommodando, inservientes. Flectere, vel potius inclinare, ac summo pectori magis minus ve admoveere caput, amborum simul contractorum munus est: latera versus circumvertere caput non uterque simul potest, sed duntaxat alteruter, altero quiescente. Alternos hosce motus capitis quomocumque sito corpore exequi possunt muscoli Sterno-Mastoidei; nullatenus autem illud flectere, sive anteriora versus inclinare: nisi supino, vel posteriora versus reclinato corpore. Hoc rectè sito, caput ita flectendum vel inclinandum ope musculorum non eget; sed solâ mole ruit suâ: laxatis ad arbitrium posterioribus musculis, qui extensores ejusdem appellari solent. Hinc satis superque patet, corpore supinato, caput anteriora versus movere idem ferè esse ac ponderosam ejus molem sustollere. Non miraris! Miraris autem tanto oneri ferendo sufficere musculos istos, ut potè non stabili aut immoto puncto, sed instabili motusque respirationis comitanti sterno affixos. Mirari cessabis Anatomici consulatione edoctus, musculos abdominis rectos superius imo eadem ossi: utriusque firmiter inhaerentes validâ portionum torosarum contractione, sternum cohibere posse, sternoque cohibito, musculis Sterno-Mastoideis caput attollere, ac versus anteriora movere conantibus, firmum tractionis punctum præstatum præstare.

#### I V.

**A**NATOMICIS convictus argumentis ita fieri posse, reapse verò fieri nundum persuasus, objiceres forsàn axioma triviale, à posse adesse non valere consequentiam? Benè, & quidem optimè! Rem quippè totam minima quandoquè variat circumstantia, dubiam reddit, imò suspectam. Idcirco de re ipsâ certiorè re facere si cupias, septem viri sapientis apophthegma. Nosce te ipsum, axiomati trito superadde. In temet ipso phenomenon examina: notæque sub tegmine lecti recubans, temet ipsum explora. Directè supino corpore, capite parumper suffulto, genubus tantillum inflexis, memoratos tum capitis, tum abdominis musculos omnimodè molles, nullibique tenfos senties: modò valetudine non impeditus, neque hesternâ sarcinatus cænâ. Mox eodem continuato situ, manum alteram abdomini medio leviter impone, impositam sustine, alterâ manu collum sive guttur utrinquè amplexare molliter: manum utramque utrobiquè sic relictam, si eodem tempore caput (quasi quæ circa pedes geruntur observaturus) sustollere, vel erigere conaris: illicò tenfos ac rigentes tum Rectos abdominis, tum Sterno-Mastoideos capitis (funium tenfarum instar) ferire miraberis; at mirari desinens indubitanter judicabis in curâ Herniarum Chirurgicâ æquè ad musculos Sterno-Mastoideos attendendum esse, atque ad musculos abdominis: eidemque curationi non minùs istorum, quàm horumce tensionem obstarè, laxitatem favere certò asseverabis.

#### V.

**D**E iis si tibi aliquid adhuc dubii supersit, praxis clinicæ expertos audias: Thesim iustra, hisce in Scholis anno 1732, propugnatam, sub præsidio collegæ Clarissimi D. Winslow, foci carissimi, qui sic loquitur (a) » Graviore morbo decumbentem duo simul Medici examinant. Inter hæc, inopinâ quâdam musculorum abdominis tensione, aliquid hic mali ominis indicat alter, ter, alter nil quod timendum foret expertus timenti socio, manum, inquit, » admoveamus ambo simul: non quidem festinanter sed attentè. Tunc ille musculorum eorundem tensiones non continuas, sed laxitate indentidem interpolatas miratur, magis autem miratur placidum imperterriti focii vultum.

(a) Winslow, quæstione quodlibet: disp. 7â Feb. 1732, an in cognoscendis morbis erroris funestos vitare possit anatomes parùm duntaxat gnarus?

„ Scilicet hic decumbenti ea quæ suprà lectum circà pedes gerebantur animad-  
 „ vertendi, adeòque, ut faciliùs animadverteret, caput eodem momento ali-  
 „ quantisper levandi occasionem, subindè pepererat; nimirum (antè plures ab-  
 „ hinc annos) expertus, supino corpore jacentem non posse caput attollere,  
 „ nisi trahentibus musculis sterno mobili affixis; hos autem conari frustrà nisi  
 „ musculorum abdominalium ope sternum simul reddatur immotum „. Scias  
 interim oportet ipsum præterea, tùm in lectionibus ac demonstrationibus pu-  
 blicis, tùm in consultationibus clinicis, jamdudùm monuisse decumbenti ipsi-  
 met non permittendum esse conamen caput flectendi, sivè attollendi; sed to-  
 ties, quotiès vel bibendi iuscula sorbendi necessitas postulaverit, illud alienâ  
 manu tantummodò sublevandum esse: idque non solum quoad Herniarum, sed  
 & quarumcumque partium abdominis: tùm internarum, tùm externarum cu-  
 rationem Chirurgicam: imò quoad ejusdem ventris, illiusque viscerum inflam-  
 mationes observari debeat. (b) Musculorum Sterno-Mastoideorum extremita-  
 tem Mastoideam articulatione cranii condyloideâ posteriore esse, ac proin-  
 dè non flectendo capiti, sed potiùs retrorsum movendo eosdem musculos aptos  
 esse scribentes, latitudinem tendinis, ejusque portionem anticam haud consi-  
 deraſſe videntur. (c) His omnibus ritè perpenſis, luce meridianâ clariùs elu-  
 cescit, incertam esse, imò fallacem qualemcumque musculos ipsos abdominis  
 tenſos relaxandi methodum: nisi adhibita simul sollicitâ musculos Sterno-Ma-  
 stoideos relaxandi curâ; maximique propterea momenti hanc esse conclusio-  
 nem.

(b) Vid. Expos. Anat. ipsius Tractat. de Muscul. n°. 1173, sq. & ejusd. ad D. Morand,  
 Epistol. de alto apparatu, &c. n°. 111.

(c) Expos. Anat. Tract. cit. n°. 1176 sq.

*Ergò Chirurgiæ Herniarum curationi, Musculorum Sterno-Mastoideorum  
 tensio nocet.*

## DOMINI DOCTORES DISPUTATURI.

<i>M. Gedeon de Rabours.</i>	<i>M. Joannes-Jacobus Bel- lesteſte.</i>	<i>M. Philippus Davier de Breville, Dotaria Hiſ- paniarum Regina, dum vivereſ Medicus ordi- narius.</i>
<i>M. Laurentius Ferret.</i>	<i>M. Michaël - Philippus Bouvar, Profeſſor Re- gius, Regiæ Scientia- rum Academiæ ſocius, &amp; Scholarum Profeſſor.</i>	<i>M. Guillelmus de Ma- gny.</i>
<i>M. Joannes Midy.</i>	<i>M. Michaël - Joſephus Majault.</i>	<i>M. Gabriel - Antonius Jaques.</i>

Proponēbat Pariſiſ JOANNES-JACOBUS MESSENCE; An-  
 degavenſis, Doctor Medicus Remenſis, necnon Saluberrimæ Facultatis  
 Pariſienſis Baccalaureus, A. R. S. H. 1748, à ſextâ ad meridiem.

Typis QUILLAU, Univerſitatis & Facultatis Medicinæ Typographi, 1748.